

## معجبة!

يا آدمي حس ! ما جيتك تسمعي  
الليل برد وقصيدك ما يدفيني  
تراجف عضاي ... صوت الريح يوجعني  
وأحس شيّ تغلغل في شراييني  
أحس في خطوتي يمك تنازعني  
كيف اختصار المسافة بينك وبينني  
خذني لـ ( صدرك ) ... شتتني وجمعني  
ادخل متاهات صدري واحترق فيني  
ضيع أنت فيني وأبي منك تضيعني  
في غابة تحترق فيها عناويني  
خذ ما بدا لك ... حلالك ! ... لا تراجعني  
بعض الطلب ينهي اللذة وينهيني  
هات ... انفجر شوق إزعل وارجع اصفعني  
سو شي ... أي شي ... إلا إنك تخليني  
أنت الوحيد الذي بالحيل جوّعني  
بالحيل ... بالحيل ... لين ارتجت سنيني  
وش يمنعك دام ما كو ... شي يمنعني  
ينده لك ... الجمر ... والنفوف ... وايديني  
أرجوك في طبع غيري لا تطبعني  
ماني ملاك الطهارة ... لا تبريني  
غلطان كانك عن الزلة مرفعني  
النار في داخلي ... من بعض تكويني  
إيه اشتهيتك ! وصمتي مو بنافعني  
لو الزم الصمت ... تفضح حاجتي ، عيني  
للريح قط الوراق ، للنار واتبعني  
أمّا أنت ميّت معي ، وإلا أنت محييني

فهد عافت